

Vano osome
ni miyo



Osome ni miyo mutthaka "Wuupuwelela nihiku na woopowa oxikola"

Vano
owiriyane



Waawiriyane apurusoori ni otthikele ohimya malove arina mpantta na nlove: we, wa, tti

Onyakula
Otthapela

masipo
Opwexa

Owurya

Owiriyane ni osome khula nlepo na nlove:

Murettele

Oweliha

Epantera



Vokapulaariyu

Otthikele olepa moolumo orumeelaka nlavulo wa okathi wa naanaano

Miyo (kaahithomeya)_____ epantera ahu omuttettheni waka.

Weyo (waamwiipa)_____ iinu oxikola.

Ole (khotanlin'we)_____ni apurusoori wiira yaahoolele anaxikola ni masipo ni sa varoohooni.

Olepe woowupuwelela olavulaka wa epantera ya Omosampiiki.



Vano olepe

Olepe mukateerununi mwawo, ele enirowa osoma apurusoori

Wuupuwelela nihiku na woopowa oxikola

Nihinatthi ophiya nihiku na 25 na mweeri a Xuunyu Ayipu, Minyala, Piiyu ni Suraaya yaahithanliwa ni apurusoori wiira yaahoolele anaxikola ni masipo ni sa varoohooni.

Awo yaheetetela miteko saya ni yaahoniherya oxikola.

Otakherye olepaka mukateerununi mwawo

- Nsipo naka nnihimya wiira nihiku na 25 wa Xuunyu nihiku na woopowa.

- Siiso, murettele woonaneyeke Omosampiikhi ootheene.


Ayipu, Minyala, Piiyu ni Suraaya ni ophiya oxikola yaahivara miteko saya:

Ayipu aahilamula ya varoohoni ni malepa a epantera ahu.



Vano
ocampule

Omucampule mutthu owelihaka epantera ya Omosampiikhi.



Okhapelela nlaka

Mmuttettheni munikhala atthu sinnikhala itakhwa ni inama, malaxi, miri ni maasi a mmuro, matthiya ni iphareya.

Atthu anitumereriwa okhapelela mireerelo iyo.

Sinikhapeleliwa sayi mireerelo iyo?

- Ohipaha malaxi ni itakhwa.
- Ohiikittha miri pure pure.
- Ophattheya miri isya ni okhuwari miri sinireerela.
- Ohiiva inama sookhapeleliwa.
- Ohiitthela murette wala ikokhola mmaasini.

Mireerelo sa nlaka ovaha ekumi ehinimala.

Muhiliyale, mireerelo saahikhapeleliwe sinoomala!

Atthu ootheene anniitthaniwa okhapelela nlaka.



Osome makoho ni waakhule mukateerununi

1. Mireerelo xeeni siniphwanyaneya mmuttettheni?
2. Ohimye mananna a okhapelela mireerelo sa mmuttettheni.
3. Mananna xeeni makina onisuwelaawo a okhapelela mireerelo sa mmuttettheni?
4. Itthu xeeni sinnivahaaya mireerelo sa mmalakani?

Vano osome
ni miyo



Osome ni miyo mutthaka "Okhapelela nlaka"

Vano
owiriyane



Owiriyane malove ari vakarataawuni (okwesa, okhapelela, ohipaha, malaxi), ni othoonye nle nrina mpantta na nlove: sa, le, xi, pa

Owiriyane ni osome khula nlepo na nlove:

Ohipaha

Okwesa

Nlaka

Sookhapelela



Vokapulaariyu

Olepe malove oolikana ni malove anittharelana:

Okhapelela _____

Ophatteya _____

Wiitthela _____

Isya _____

Olepe woowupuwelela olavulaka mananna a okhapelela nlaka.



Vano olepe

Olepe mukateerununi mwawo, ele enirowa osoma apurusoori

Okhapelela nlaka

Mmuttetheni mwahu atthu sinnikhala itakhwa, inama, malaxi, miri, maasi a mmuro, matthiya ni iphareya.

Atthu anitumereriwa okhapelela mireerelo iyo.

Sinikhapeleliwa sayi mireerelo iyo?

- Ohipaha malaxi ni itakhwa, ni ohiikittha miri pure pure.

Otakiherye olepaka mukateerununi mwawo

Mireerelo sa nlaka ovaha ekumi ehinimala.

Muhiliyale, mireerelo saahikhapeleliwe sinoomala!

Atthu ootheene anniitthaniwa okhapelela nlaka.

Wiira nikhallane olumwenku wooreere.

Niira siiso ootheene nnookhuma nilolaka.

Ala mananna ooreera weettela.



Vano
ocampule

Omucampule mutthu aalaka mwiri wa muhokhorokho.

Mananna ookhapelela nlaka

Nlaka mireerelo sinoonaneya wiira okhale okumi.

Ikwaha sinceene, atthu ti ari anamananariha nlaka.

Olelo anaxikola anirowa wiixutta mananna ookhapelela nlaka:

Vano Olavule



Soovara/soohivara	Muthoonyero
Ohimwarexela ikokhola soovirikana vanlakani	
Ottottela ikokhola ni opaka ikaruma sooreerela	
Othipela mulittini ikokhola sootheene sihina muteko wala omwarexela ikokhola mulaatani yuulupale	
Olima malaxi ni ohiya vaavo wiira etthaya yinttelane; Orehererya iritta sa miri, sa vathi wala sihinisiveleliha	
Ohipaha muhuru wala itakhwa Ohiikitthasa miri voohitthareleleya otepexa mmankalo;	



Vano waakhule

Atthu anittharihela mananna ala anikhala akumi.

Ohiya tho vo mapuro anikhala ooreera saana ni a ooriryeela.

Ala mananna anaxikola akhanlyaaya oottharihela.

Osome makoho ni waakhule mukateerununi

1. Ohimye mananna mayili okhapelela miri ni maasi.
2. Mwaha wa xeeni nikhapelelaahu miri ni maasi?
3. Exeeni eniriwa wiira nikhapeleliwe nlaka na muttette awo?
4. Nikhapeleleke sayi nlaka na oxikola wahu?

Vano osome
ni miyo



**Osome ni miyo mutthaka "Mananna ookhapelela
nlaka"**

Vano
owiriyane



**Owiriyane malove ari vakarataawuni (nlaka, ohipaha, okwasa,
okweretha), ni othoonye nle nrina mpantta na nlove: kwa, re, ka, ha**

Wiipa

Oweliha

Weemela

Owarakhula

Weettiha

Vano owiriyane ni osome khula nlepo na nlove:

Epahari

Miri

Inama

Orehererya



Vokapulaariyu

Otthikele olepa moolumo orumeelaka nlavulo wa okathi wa naanaano

Onanariha _____

Wuuhula _____

Oreherya _____

Oriirya _____

Yuulupale _____

**Olepe woowuupuwelela olavulaka osuka ikokhola wiira opake
exuturuumu**



Vano olepe

Olepe mukateerununi mwawo, ele enirowa osoma apurusoori

Nihimwarexela ikokhola soovirikana vanlakani.

Nittottele ikokhola ni opaka ikaruma sooreerela.

Nithipele mulittini ikokhola sootheene.

Nimwarexele ikokhola mulaatani yuulupale.

Nilime malaxi ni ohiya vaavo wiira etthaya yinttelane.

Otakherye olepaka mukateerununi mwawo

Nhipahe muhuru wala itakhwa.

Nihiikitthase miri.

Nilime malaxi ni ohiya vaavo wiira etthaya yinttelane.

Nirehererye iritta sa miri, sa vathi wala sihinisiveleliha.



Vano,
ocampule

Omucampule mutthu orihelaka ikokhola mukaaxani.

Vano osome
ni miyo



Osome ni miyo mutthaka "Nihiku na etakhwa"

Vano
owiriyane



Owiriyane nlove anrowaaya osoma apurusoori ni ohimye mpantta woopacerya, weeriyari ni woomalela wa nlove:

Ohipaha

Okwesa

Okhapelela

Owiriyane ni osome khula nlepo na nlove:

Efayita

Mukhururu

Epheyo



Vokapulaariyu

Omalelihe mmalakani waarumeelaka anamalikanxa anittharelana:

sikumi, oreera, wooriiryela

Miri sookhapeleliwa ovaha muuttutthi_____.

Olimela miri ti wooreera woona wiira iyo sinookhala_____.

_____okhapelela nlaka woona wiira owo onninivaha itthu sinceene.

Olepe woowupuwelela olavulaka mannana okhapelela miri.

Vano olepe



Olepe mukateerununi mwawo, ele enirowa osoma apurusoori

Nihiku na miri

Mwaha wa mireerelo saya miri sookhalana nihiku naya.

Nihiku nla ti na 21 na mweeri wa Setempuru.

Ohiya wupuwelela yoopaka nihiku nla nihaana tho wupuwelela okhapelela miri, okhala wiira sookhalana mireerelo sinceene.

Otakiherye olepaka mukateerununi mwawo

Ohiya tho mireerelo iya, miri sinnivaha ithaapwa, makhala, mihokorokho, maluwa ni ikaruuma yopakela makhanta a ikateerunu wala iliivuru ninsomelaahu.

Nihiku na miri nto, vanireerela khula muttethe wooniherya mananna onikhapelelaawe miri elapo ahu.

Vano
ocampule



Ocampule mwiri wa muuttutthi wowoosivela



Efayita ya miri

Munlakani sinnikhala miri sinceene ni soovirikana.

Musyakiha ni Xaapewe anivaanela mwaha wa miri sinivaha soolya ni muuttutthi yiraka:

Musyakiha – Xaapewe, nyuwo woosivelani mihokorokho. Vano nrowe kooxuttiheni waala.

Awo yaahivenya mpakha nipuro saari ikokhola areerihasa. Ikokhola sinceene yaapanke exaturumu ni sikina sihinunntta sahitumihiwa.

Viiraneyaka siiso, Xaapewe ophatteya miri soovirikana.

Musyakiha – Xaapewe nrowe nivaxe miri iya. Mukhacu, mmanka, mulimawu, muraranca ni mucampalawu;

Ni tho mpaphaya, aatha, muturanca mpheera ni amoora. Iya sinnivaha mihokorokho saya, sinilyiwa sattokottha.

Olya sikithi otannya iretta ni orukula sihinatthi, ohonona.

Xaapewe – Vaareera. Masi nrowe nilimele muhuru.

Musyakiha – Hiyo nihaana ophatteya ni okhapelela miri seyiya mmawaani;

- Okhuwari miri saphatteyiwa wiira sihinyaale;

- Orehererya iritta sa miri soohukha.

Ottharihela ikettelo iya mmawaani munooreera saaneene.

Atthu anoorkhala akumi ni aweryeke ovara miteko saya.



Osome makoho ni waakhule mukateerununi

1. Mutthaka ola onihimya exeeni?
2. Waahimye antthu-piitthu aniira mpantta mmutthakani.
3. Vanireerela exeeni waala miri soovirikana nipuwa nimoso?
4. Ohimye mireerelo miili sa olya mihokorokho.

Vano osome
ni miyo



Osoma ni miyo mutthaka "Efayita ya miri"

Vano
owiriyane



Owiriyane nlove anrowaaya osoma apurusoori ni ohimye mpantta woopacerya, weeriyari ni woomalela wa nlove:

Mmalakani Miyuuttutthi Mihokorokho

Vano owiriyane ni osome khula nlepo na nlove:

Mihokorokho Mmanka Mukhacu



Vokapulaariyu

Omalelihe mmalakani ni mananna a nlavulo orumeelaka okathi woovira naanaano

Weyo (waala) _____ miri sa mmanka owaani nsana.

Owo (waala) _____ Mpaphaya.

Nyuwosa (orowa) _____ okwesa kwesa epahari.

Awosa (orowa) _____ kinixukurya ematta aka

Olepe woowupuwelela olavulaka wa mireerelo

Vano olepe



Olepe mukateerununi mwawo, ele enirowa osoma apurusoori

Efayita ya miri

Munlakani sinnikhala miri sinceene ni soovirikana.

Musyakiha ni Xaapewe anivaanela mwaha wa miri sinivaha soolya ni muuttutthi yiiraka:

Musyakiha – Xaapewe, nyuwo woosivelani mihokorokho. Vano nrowe kaaxuttiheni waala.

Awo yaahivenya mpaka nipuro saari ikokhola areeriha. Ikokhola sinceene yaapanke exuturumu ni ikina saari sa nakoso.

Otakherye olepaka mukateerununi mwawo

Hiyo noohaana ophattheya ni okhapelela miri seyiyana mmawaani:

- Okhuwari miri sininyaala soophattheyiwa;

- Orehererya iritta sa miri soohukha.

Ottharihela ikettelo iya mmawaani munooreera saaneene.

Atthu anookhala akumi ni aweryeke ovara miteko saya.

Vano
ocampule



Omucampule mutthu olimelaka mikhacu



Nihiku na woopowa elapo aka

Elapo aka eniitthaniwa Mosampiiki, elapo yeela yoopon'we nihiku 25 wa mweeri wa xuunyu wa mwaakha wa 1975.

Wa khula mwaakha hiyo niitthapela naaphiyaka nihiku nela niipaka masipo oohakalala.

Mmuttetheni mwaka ninnithukumana ni atthu aalupale wiira alavulase ni anileelihe itthu soovirikana saakhumelennle nihiku nno wa mwaakha wa 1975.

Ninniipa masipo anilavula wa nihiku nenla, sa varoohoni ni ennithomeyiwa epantera oxikola wahu.

Anniittaniwa atthu wiira yiine ni yoonihe ikaruma saavareliwa muteko wiira elapo ahu yoopowe.

Ootheene ahu nihaana okhapelela nihiku nenla wiira elapo ahu ekhalane mmaaleleyo, woonaka niira siiso ninrowaahu wunnuwiha elapo ahu nikhala atthu oowaataana ni ookhaliherana.

Nihiku nene nenla, ninnileelihiwa mananna ookasoopa malaka annirukureerya naalaka maluwa, miri ni nikwesaka wiira nikhalanekke mapuro ooriirya ni ooreerela okilaathi.

Nihiku nene nenla kahi na mutthu mmosa, nihiku na atthu ootheene a mulaponi mwahu.



Osome makoho ni waakhule mukateerununi

1. Niitthapeliwa sayi nihiku 25 na Xuunyu wa khula mwaakha Omosampiiki?
2. Nihiku 25 na Xuunyu niitthapeliwa sayi mmuttetheni wawo?
3. Ohimye miteko sinivariwa oxikola wawo naphiyiwa nihiku na woopowa Omosampiikhi.
4. Anli anli mureherye ya varoohoni muupuwelelaka woopowa wa Omosampiikhi wiira mooniherye wa yoosoma enittharelana.